

Date – 07/07/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. MSU Gen Hq chuan Mizoram Sawkarin Unqualified Part Time Assistant Professor te Contract a pawhsei sak duhlohna lantir nan vawiin khan Aizawlah "Quality Education Humhalhna Kawng Zawh" an huaihawt.
2. Education Minister Dr. Vanlalthlanan, Zirlai pawlte an harh thar zel a, kalphung thar sorkar hnuaiah an thik thu pawh a chhia a ti.
3. Prime Minister Narendra Modia chuan mineral pawimawh leh technology te bakah a phurhkualna kawngahte mahni hamthatna atana ralthuama hman a duh loh thu BRICS Summit ah a sawi.
4. BRICS Summit neih karlakah Prime Minister Narendra Modia chuan ram hrang hrang hruaitute a kawm.

<><><>

MSU PROTEST

Mizo Students' Union (MSU), General Headquarters chuan Mizoram Sawkarin Unqualified Part Time Assistant Professor te Contract a pawhsei sak duhlohna lantir nan vawiin khan "Quality Education Humhalhna Kawng Zawh" an huaihawt.

Kawngzawh hi vawiin chawhma dar 11 atang khan Vanapa Hall atanga Higher & Technical Education Directorate Office kawt thleng neih a ni a, he hunah hian college hrang hranga zirlai rualte an tel a, “Unqualified Assistant Professor sorkarin a rawih luih te hi kan duh lo” tih leh ”Tling lo taka zirtirtu hna thawktute hi bang rawh se” tiin an au rual a ni.

Protest SFX

He huna thusawitu zinga mi, MSU Vice President - Roluahpuia chuan lungawi lohna lantir chu an tum ber a ni lova, dawhkana sawifel mai theih a ni tih sawiin, thuneitute hnenah vawi engemawzat an thlen hnuaiah pawh awmzia a awm loh avangin lungawi lohna an lantir tih a sawi a. Kumin February ni 28-a pawhsei sak tawh lo tura sorkarin order a chhuah tawh sut leh tu chu sorkar tho a ni tih sawiin, sorkarin kum 1 atan a pawhsei sak qualify lo te chu zirlaite zirtirtu atan an duh lo a ti a. Zirna in sang bera Assistant Professor ni tur chuan Minimum qualification ah NET a ni a, kum 1 ah NET vawi hnih exam a awm a, MA pass hlim te pawhin an paltlang theih paltlang theilo te chu chhawr tlaka an ngaihloh thu an sawi a ni.

MSU Vice President chuan Kalphung thar tih au hla hmanga inthlan dawna in zuar te chuan kalphung hlui ang bawkin a tha lo tih hre reng si a, rawih nawn tura ruahmanna an siam chu anmahni inzawt let turin an duh tih a sawi a. Ram leh hnam an hmangaih a nih chuan zirlaite zirtirtu atan a tling ngei te ruai turin an phut tih an sawi bawk.

Byte: MSU Vice President Roluahpuia

Directorate Office kawta zirlaite punkhawm lai hian MSU hruihute chuan Higher & Technical Education Director an kawm a, sorkar chuan tun thla July ni 3 khan heng zirtirtute hnenah hian tun thla July ni 18 thleng insawifiahna hun, show-cause notice a pe a, hemi hnu file kal hun ni 5 dang an nghak leh phawt dawn tih sawiin, Resolution lungrual takin an pass na ah sawrkar chu an thutiama ding tura an duh bakah tun hnua Zirtirtu hnalak ah Qualified teachers te chauh lak thin ni tawh se an ti a ni.

<><><>

ZPM

Education Minister Dr. Vanlalhlalan, Zirlai pawlte an harh thar zel a, kalphung thar sorkar hnuaiah an thik thu pawh a chhia in sorkar hmalak mekna thlawp chung a vawiina Quality Education Humhalhna Kawngzawh an nei chu a lawmawm takzet a ni a ti.

Tum 7 zet sorkar hmasaten an pawhsei sak tawh; tuna Part time-a thawk mi 29 te chu chhungkaw eizawngtu an nihnaah khawngaihna nen, sorkarin an chungah rorelin a tawp nan hun a siamsak ve leh a, show cause notice pek an ni tawh a ti a, zirlai pawlte kawngzawh chhan bak pawh hi sorkar chuan zirna siamthatna tur kawngah hma a la mawlh mawlh mek a ni, a ti.

Dr. Vanlalhlana chuan, tuna tuna Zirlai Pawl te Unqualified Part time-a thawk mi 29 an aupui bakah; College pangngai, Law College leh Mizoram Polytechnic Lungleia Unqualified Contract Asst. Professor te pawh hi sorkarin show cause notice a pek vek tawh te an ni a ti a. Sorkar hmasa lama an chai tam loh, Aikal lak chungchangah te pawh zirlai pawlte an tawng chhuak ngam ta chu a lawmawm tak zet a. Zirtirtute attendance check ngam sorkar a ding ta a, Kai App siam a ni bawk a ti a. Sikul zirtirtute pawh an kal that phah a ni a ti,

Education Minister chuan, MTET nei lo MR Teacher tam tak te pawh last chance pek mek an ni a ti a, Samagra Shiksha hnuaia unqualified teacher awmte pawh zawn chhuah mek an ni a. Dan laka sorkar himna turin uluk takin engkim zirchian a ni a, hemi nghak zo lo hian vawiinah zirlai pawl te chuan kawng an zawh ta a, an duh angin a tih nghal vek theih loh a, sorkar chuan hma a la zel dawn tih erawh hria se a ti a. Hun inpe lova mi chaw bel ben buaksak hi sorkarin a duh loh avangin, dan zuiin sorkar chu a kal mai a ni, a ti. Minister chuan, “Kum 2019-a lak, MR teacher 800 chuang zingah qualified lo mi 100 chuang an awm tih sawiin, qualified tam tak an awm tawh avangin tunah hian sorkarin last chance a pe leh mek a. Sorkar hmasa khan kum 2024 thleng an qualify ve theihna turin hun an pe a. Heti a nih chuan MR teacher thenkhat, lehkhazir mek ten an tuar nghal dawn a ni a ti.

<><><>

PU LALDENG A

Vawiin hi MNF Founder President Pu Laldenga thih champha vawi 35 na a ni a. MNF party chuan tukin dar 7 khan Aizawl Treasury Square a Pu Laldenga thlanah amah sunna leh zahna lantirin hun an hmang.

He hunah hian MNF President Pu Zoramthanga chuan thusawiin Pu Laldenga chu Mizote lungphum pawimawh ber te zinga mi ani a ti a, India ram mai ni lo khawvela Mizo hnamte pholangtu ani a, thangthar zelte thinlungah Hnam thinlung (Nationalism) a tuh a ti a. Sawisela ngaihnehpum tum awm thin mahse thalaite finna a sang tulh tulh a, Pu Denga hlutna an hrechiang chho zel tih sawiin Mizo hnam leh Mizoram a awm chhung chu Pu Laldenga hming a daih tawh loh tur thu a sawi a ni.

Byte : Pu Zoramthanga

Pu Laldenga hi kum 1927 July 11 khan Lunglei Pukpui khuaah a lo piang a, kum 1944-ah British Indian Army zawmin Kum 1959-ah Mizo National Famine Front chu a hova din niin, chu pawl chu October 22, 1961-ah Mizo National Front (MNF) tiin thlak a ni.

Kum 1966 March ni 1 ah zalenna sual tanin, Thalai rual tam tak te nen kum 20 chhung zalenna an sual hnuin mizo mipui, kohhran leh tlawngai pawl, zirlai pawl leh political party hrang hrangte ngenna avangin, June 30, 1986 ah India sorkar nen Remna Thuthlung an zia fel a, state puitling nih hnua Mizoram Chief Minister hmasa ber a ni.

Kum 1990 khan Memorial Sloan Kettering Cancer Centre New York, USA ah thla 3 a awm hnuah kum 1990 July ni 7 a thi a, Aizawla lak niin July ni 13 ah State Funeral pein sawrkar chawimawina famkim nen vuiliam a ni.

<><><>

CADC

Chakma Autonomous District Council ah thuneihna inchuhna karah Mizoram Governor chuan Chakma Autonomous District Council thuneihna, thlaruk chhung atan laksakin, Lawngtlai DC chu CADC enkawlturin a ti.

Chakma Autonomous District Council a BJP hruaitu, CEM Pu Molin Kumar Chakma chu June ni 16 khan No-Confidence Motion hmangin CEM atanga paihthlak a ni a, motion hi Zoram People’s Movement member, Rengkashya bial atanga MDC thlan tlin, Pu Doymoy Daveng Chakma chuan a pulut a, CEM Pu Molin Kumar Chakma hian sorkarna chelh chhunzawm turin member a ngah tawh tawh lova, hruaitu thlak danglam ngai a nih thu a sawi.

Session a tel Elected Member 17 zinga MDC 15 chuan motion hi an thlawp a, MDC 1 chuan motion thlawp lo zawngin a vote thung. MNF, MDC awmchhun, Pu Rasik Mohan Chakma chuan vote a thlak lo a. BJP hruaitu, CEM paih duhtu an tam zawk vangin, CEM chu paihthlak a ni.

May 2023 khan CADC h hian inthlanpui neih niin, MNF hruaitu CEM a tan Pu Rasik Mohan Chakma lakluh anih hnuah, kumin February ni 27 khan Pu BJP hruaitu, Pu Molin Kumar Chakma chuan a thlak a, CADC ah hian thlantlin member 20 awmin, Member pakhat thita ai thlan anih loh avangin tun dinhmunah Member

19 an awm mek a, ZPM in member 16 neiin, MNF member 1 leh BJP Member 2 an awm mek a ni.

CADC ah hian ZPM chuan an hruaitu Pu Lakhan Chakma hovin Sorkarna siamtum in theihtawp chhuah mahse, Governor hian State Sorkar a biakrawn hnu ah CADC thuneihna hi a laksak ta a ni.

<><><>

MHIP DAY

Kumin MHIP Day chu Pathian Ni anih avangin vawiin khan MHIP Branch thenkhat chuan lawmna hun an buatsaih a, Branch tam zawk chuan inrinni khan lawmna hun anlo buatsaih tawh a ni.

AMC Executive Corporator Pi B. Lalawmpuii chuan MHIP Chhinga Veng Branch te MHIP day hmanpuiin MHIP member te chu chhungkua, ram leh hnam tana hmeichhe tih tur leh mawhphurhna te hre thar leh turin a chah a, ruihhlo hluar zel leh ruihlo-in a tihbuaite chhan chhuak tur leh tuam dam turin chhungkaw nu an pawimawh tih sawiin Hmeichhe tha chuan chhungkaw tha a siam thin tih a sawi.

Vawiin vek khan AMC Ward III Corporator Pi C. Lalchhandami chuan Kanan Multipurpose Community hall-ah MHIP Day hmanpuiin Hmeichhiate chu hnam himna an ni a ti a, Hmeichhia leh Naupang ngaih pawimawhna ram apiang ram changkang an ni tih sawiin nau awm nana Nu ten social media an hmang thang lutuk chu thalo atih thu sawiin mahni in awmpui tam turin a duh tih a sawi bawk.

Tun dinhmunah MHIP hian Sub-hqrs 10, Block-30, Joint-7 leh Branch 766 an nei a. Member hi nuai 3 chuang an awm mek a, Kum 2023-2025 chhung atana kumpuan 'Dikna leh Rinawmna Chawinun' tih a nih angin Day lawmna-ah pawh hian he thupui hmang hian thu an sawi bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM @ BRICS

Prime Minister Narendra Modia chuan mineral pawimawh leh technology te bakah a phurhkualna kawngahte mahni hamthatna atana ralthuama hman a duh loh thu BRICS Summit ah a sawi. Pu Modia chuan heng mineral te leh technology lamahte thawhhona tha tak a awm chungin a phurhkualna leh inpek kualna kawngah harsatna lian awm loa kalpui tha a tih thu a sawi a. Mipuite hmasawmna leh changkanna chu technology ah a innghat thui hle tih sawiin kum zabi 21 naah chuan Artificial Intelligence ah a innghat bik a ti a. PM Modia chuan BRICS ramte chu Artificial Intelligence hman danah tangkai leh awmze nei taka hman thiam a tul thu a sawi bawk a ni.

<><><>

PM

BRICS Summit neih karlakah Prime Minister Narendra Modia chuan ram hrang hrang hruaitute a kawm a. Malaysian PM Anwar Ibrahim leh Cuba President Diaz-Canel Bermudez te kawmin India nena an thawhhona te a sawipui a. Pu Modia hian India-Malaysia Comprehensive Strategic Partnership chungchang bakah ralthuam chungchangte, firfiaka chetna chungchangte, zirna, sumdawnna leh damdawi siamna lam chungchangte Malaysia Prime Minister Ibrahim hi a sawipui a ni.Pu Modia hian Cuba President Bermudez nen India leh Cuba inlaichinna hrang hrang eibar zawwna, biotechnology, Ayurveda leh ramhmul damdawi leh UPI chungchangte a sawipui a ni.

<><><>